




Broj: 17-04-02-50-1821-1/13-24
Datum, 22.07.2013. godine

**BOSNA I HERCEGOVINA
PARLAMENTARNA SKUPŠTINA BIH
PREDSTAVNIČKI DOM
SARAJEVO**



Predmet: Odgovor na poslaničko pitanje Zijada Jagodića, dostavlja se.-

Veza: Vaš akt broj 01/a-50-1-15-49/13 od 11.07.2013. godine.-

Shodno aktu veze, obavještavamo vas o slijedećem:

- Zakonom o graničnoj kontroli („Službeni glasnik BiH“ br. 53/09 i 54/10) u članu 14.stav (1) propisano je da granični prelazi moraju biti izgrađeni i opremljeni tako da omogućavaju efikasno i sigurno obavljanje graničnih provjera, u skladu sa standardima i uslovima koje utvrđuje Savjet ministara.
- Savjet ministara Bosne i Hercegovine, je na 110. sjednici održanoj 30. decembra 2009. godine, donio Pravilnik o standardima i uslovima izgrađenosti i opremljenosti graničnih prelaza („Službeni glasnik BiH“ br. 6/10), a na osnovu člana 14. stav (3) Zakona o graničnoj kontroli („Službeni glasnik BiH“, broj 53/09) i člana 17. Zakona o Savjetu ministara Bosne i Hercegovine („Službeni glasnik BiH“, br. 30/03, 42/03, 81/06, 76/07, 81/07, 94/07 i 24/08). Navedenim Pravilnikom je propisano da planiranje, izgradnju i opremanje graničnih prelaza u skladu sa standardima i uslovima koje isti propisuje provodi nadležno tijelo za upravljanje i održavanje graničnih prelaza. Takođe navedenim Pravilnikom predviđeno je da zajedničku opremu potrebnu za obavljanje poslova granične kontrole na graničnim prelazima osigurava i održava nadležno tijelo za upravljanje i održavanje graničnih prelaza, uz prethodne konsultacije i saradnju sa službama koje obavljaju poslove graničnih provjera na granici, u šta spada i video nadzor.
- Koristimo priliku da Vas upoznamo da je Savjet ministara BiH na 94. Sjednici održanoj 16.07.2009.godine pitanje upravljanja i održavanja graničnih prelaza povjerio Upravi za indirektno oporezivanje BiH, te da bi ista mogla eventualno dati adekvatne odgovore na poslanička pitanja.
- Takođe, nadležnosti Granične policije BiH propisane su Zakonom o Graničnoj policiji BiH (član 7.), („Službeni glasnik BiH“ broj 50/04, 27/07 i 59/09), iz kojeg je vidljivo da poslovi planiranja, izgradnje i opremanja graničnih prelaza nisu u nadležnosti GP BiH.

S poštovanjem,

Dostaviti:

- Naslovu
- a/a



PRIMLJENO: 30-07-2013			
Organizaciona jedinica	Klasifikaciona oznaka	Redni broj	Broj priloga
01-50-1-15-49/13			

Bosna i Hercegovina



Босна и Херцеговина

Uprava za indirektno-neizravno oporezivanje

Управа за индиректно опорезивање

Broj: / 01 105-1689-2 / 13
Datum, 26. 7. 2013 . godine

BOSNA I HERCEGOVINA
PARLAMENTARNA SKUPŠTINA BiH
PREDSTAVNIČKI DOM
N/R GENERALNOG SEKRETARA

Predmet : Odgovor na zastupničko pitanje, dostavlja se

Veza: vaš akt Broj /Бpoj: 01/a-50-1-15-49/13, od 11.07.2013. godine

U vezi vašeg akta broj i datum veze, kojim ste od Uprava za indirektno oporezivanje BiH tražili dostavljanje odgovora na zastupničko pitanje zastupnika u Zastupničkom domu Parlamentarne skupštine Bosne i Hercegovine, g-dina Zijada Jagodića, u prilogu dostavljamo odgovor sačinjen od strane Uprave za indirektno oporezivanje BiH.

S poštovanjem,

Prilog: odgovor

Dostavljeno:

1. Naslovu
2. 01,
3. 02,
4. a/a



DIREKTOR
Dr. Miro Džakula

Zijad Jagodić, zastupnik u Zastupničkom domu Parlamentarne skupštine Bosne i Hercegovine na četrdesetdevoj sjednici održanoj 08.07..2013. godine postavio je sljedeće zastupničko pitanje:

„Zašto se ne pristupa elementarnom uređenju prijelaza Ivanjica, Krstac i Leuša koji su među najneuređenijim prijelazima na jugu države (Trebinje, Gacko)?

Na postavljeno pitanje Uprava za indirektno oporezivanje BiH daje sljedeći

ODGOVOR

UIO je uradila operativni plan rekonstrukcije i izgradnje graničnih prelaza u BiH za 2013. godinu, a koji je diktiran Akcionim planom prevazilaženja posljedica ulaska Republike Hrvatske u Evropsku Uniju usvojen od strane Vijeće ministara BiH.

Akcionim planom predviđena je izgradnja graničnih prelaza Bijača, Gradiška Svilaj i rekonstrukcija graničnih prelaza Orašje, Gorica, Ivanjica.

UIO je završila aktivnosti na izgradnji graničnog prelaza Bijača i na rekonstrukciji graničnog prelaza Gradiška te planira do kraja 2013. godine da završiti rekonstrukciju graničnog prelaza Orašje i započne aktivnosti na rekonstrukciji graničnih prelaza Ivanjica i Gorica .

Kada je u pitanju granični prelaz Deleuša UIO je 2011 godine rekonstruisala nadstrešnicu i poboljšala infrastrukturu.

Na graničnom prelazu Krstac nije bilo intervencija, rekonstrukcija će biti planirana u 2014. godini.

PRIMLJENO: 30.07.2013

Organizaciona jedinica	Klasifikaciona oznaka	Redni broj	Broj priloga
01-50-1-15-49/13			

01/a-50-1

[Handwritten signature]

Bosna i Hercegovina



Босна и Херцеговина

Управа за индиректно-неизравно опорезивање

Управа за индиректно опорезивање

Broj: / 01 01-50-1-15-49-3 / 13
Datum, 26.7. 2013 . godine

BOSNA I HERCEGOVINA
PARLAMENTARNA SKUPŠTINA BiH
PREDSTAVNIČKI DOM
N/R GENERALNOG SEKRETARA

Predmet : Odgovor na zastupničko pitanje, dostavlja se

Veza: vaš akt Broj /Број: 01/a-50-1-15-49/13, od 11.07.2013. godine

U vezi vašeg akta broj i datum veze, kojim ste od Uprava za indirektno oporezivanje BiH tražili dostavljanje odgovora na zastupničko pitanje zastupnika u Zastupničkom domu Parlamentarne skupštine Bosne i Hercegovine, g-dina Zijada Jagodića, u prilogu dostavljamo odgovor sačinjen od strane Uprave za indirektno oporezivanje BiH.

S poštovanjem,

Prilog: odgovor

Dostavljeno:

1. Naslovu
2. 01,
3. 02,
4. a/a



DIREKTOR
Dr. Miro Džakula

[Handwritten signature]

Zijad Jagodić, zastupnik u Zastupničkom domu Parlamentarne skupštine Bosne i Hercegovine na četrdesetveotoj sjednici održanoj 08.07..2013. godine postavio je sljedeće zastupničko pitanje:

„Zašto ne funkcioniše sistem videonadzora na većem broju graničnih prelaza, a na nekim uopšte ne, ko je zato odgovoran, zašto se sistem kvalitetnije ne uredi, odžaje i zašto isti umjesto UIO ne bi nadzirala GP, kao što je to i u susjednim državama?

Na postavljeno pitanje Uprava za indirektno oporezivanje BiH daje sljedeći

ODGOVOR

Na novo izgrađenim graničnim prelazima (Izačić, Gradina , Šamac, Orašje, Rača, Karakaj, Klobuk, Zupci i Kamensko) instaliran je sistem video nadzora.

Trenutno na graničnom prelazu Rača ne rade sve kamere, sistem neispravan, i na graničnom prelazu Karakaj od 14 kamera 6 je neispravnih. Na ostalim graničnim prelazima sistemi video nadzora su ispravni.

U narednom period izvršiće se rekonstrukcija sistema video nadzora na graničnim prelazima i izvršiće se primopredaja sistema video nadzora između Uprave za indirektno oporezivanje BiH i Granične policije BiH iz razloga što pripadnici granične policije kontrolišu cijelo područje graničnog prelaza i samim tim imaju daleko veću potrebu za video nadzorom.

Jedan manji broj kamera ostao bi u nadležnosti Uprave za indirektno oporezivanje BiH.



01/a-50-1

**РЕПУБЛИКА СРПСКА
МИНИСТАРСТВО ПРАВДЕ**

Трг Републике Српске 1, Бања Лука, тел: 051/339-535, факс 051/339-650, E-mail mpr@mpr.vladars.net

Број: 08.030/052-3690/13
Датум: 25.7.2013. године

BOSNA I HERCEGOVINA
PARLAMENTARNA SKUPSTINA BOSNE I HERCEGOVINE
SARAJEVO

PRIMLJENO: 05-08-2013

Organizaciona jedinica	Klasifikaciona oznaka	Redni broj	Udaljenost
		01-50-1-15-49/13	

**ПАРЛАМЕНТАРНА СКУПШТИНА
БОСНЕ И ХЕРЦЕГОВИНЕ
ПРЕДСТАВНИЧКИ ДОМ**

Веза ваш акт број: 01/a-50-1-15-49/13 од 11.7.2013. године

ПРЕДМЕТ: Посланичко питање, обавијест, доставља се.-

У вези вашег акта, број и датуме везе, у којем Министарству правде Републике Српске достављате посланичко питање посланика Зијада Јагодића у вези са предузетим активностима у погледу препорука из Извјештаја за 2012. годину Независне комисије за праћење услова боравка у Заводима БиХ, односно отклањању уочених недостатака и неправилности, те захтјевате достављање одговора на ово посланичко питање, обавјештавамо вас да Министарству правде Републике Српске до данас није достављен Извјештај Независне комисије за праћење услова боравка у Заводима БиХ за 2012. годину, због чега ово Министарство није у могућности да достави одговор на наведено питање посланика Зијада Јагодића.

С поштовањем,

МИНИСТАР

Горана Златковић



BOSNA I HERCEGOVINA
VIJEĆE MINISTARA
Generalno tajništvo

Broj: 05-50-1-2137/13
Sarajevo, 10.9.2013. godine

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

PRIMLJENO: 12.09.2013

Organizaciona jedinica	Klasifikaciona oznaka	Redni broj	Broj prijema
		01-50-1-15-49/13	

PARLAMENTARNA SKUPŠTINA BiH

- Zastupnički dom -

SARAJEVO


PREDMET: Odgovor na zastupnička pitanja – dostavlja se

Vijeće ministara Bosne i Hercegovine, na 61. sjednici održanoj 29.8.2013. godine, utvrdilo je Odgovor na zastupnička pitanja koja je postavio Zijad Jagodić, zastupnik u Zastupničkom domu Parlamentarne skupštine Bosne i Hercegovine.

U privitku prosljeđujemo Odgovor radi njegovog dostavljanja zastupniku.

S poštovanjem,

GENERALNI TAJNIK
Zvonimir Kutleša





**BOSNA I HERCEGOVINA
VIJEĆE MINISTARA**

Broj: 05-50-1-2137/13
Sarajevo, 29.8.2013. godine

Zijad Jagodić, poslanik u Predstavničkom domu Parlamentarne skupštine Bosne i Hercegovine, na 49. sjednici održanoj 8.7.2013. godine, postavio je sljedeća poslanička pitanja:

U vezi sa zastupničkim pitanjima zastupnika Zijada Jagodića postavljenim na 49. Sjednici Zastupničkog doma Parlamentarne skupštine Bosne i Hercegovine a koja glase:

- „1. Da li Bosna i Hercegovina ima Plan zaštite u slučaju radiološkog ili nuklearnog incidenta“?
- „2. Koje su firme u Bosni i Hercegovini registrovane/licencirane za kontrolu i nadzor nad skladištenjem, prijevozom i prometom radioaktivnog i nuklearnog otpada“?
- „3. Koji su objekti u Bosni i Hercegovini gdje MDK zračenja bitnije odstupa i šta se na tom području/lokalitetu poduzima na njenom smanjenju“?

Na postavljeno pitanje, Vijeće ministara Bosne i Hercegovine je na 61. sjednici održanoj 29.8.2013. godine, utvrdilo sljedeći

ODGOVOR

1. Bosna i Hercegovina još uvijek nema usvojen Plan odgovora na vanredne situacije u slučaju radiološkog i nuklearnog incidenta ali se na njegovom pisanju intenzivno radi u proteklih dvije godine. Finalni draft plana je u završnoj fazi i očekuje se njegovo usvajanje u skorije vrijeme. Konkretno aktivnosti na izradi plana su počele početkom 2012. godine, kada je formirana radna grupa od 15 predstavnika različitih institucija iz BiH, koje su direktno ili indirektno uključene u aktivnosti oko radioloških vanrednih događaja. Agencija je planirala da konačnu verziju plana dostavi Vijeću ministara BiH do kraja drugog kvartala 2013. godine. Cilj plana je uspostavljanje efikasnog i uspješnog sistema pripremljenosti i odgovora institucija u Bosni i Hercegovini na svim nivoima organizacije u slučaju radiološkog ili nuklearnog vanrednog događaja na teritoriji Bosne i Hercegovine.

U periodu od 5. marta do 9 marta 2012. godine u Bosni i Hercegovini boravila je, the Internacionalna agencija za atomsku energiju (IAEA) Emergency Preparedness Review (EPREV) Mission radi sprovođenja u skladu sa članom III IAEA Statuta tzv. „peer review of

emergency preparedness and response arrangements" u Bosni i Hercegovini u pogledu relevantnih IAEA standarda.

Draft Plana se sastoji od četiri poglavlja:

- uvodnog dijela,
- poglavlja koje se odnosi na planiranje odgovora,
- poglavlja koje se odnosi na odgovor na radijacijski vanredni događaj
- i poglavlja koje se odnosi na pripremljenost za radijacijski vanredni događaj.

Ono što je važno naglasiti jeste da u Bosni i Hercegovini već postoje mnogi infrastrukturni i institucionalni kapaciteti potrebni za pripremu i odgovor na radijacijski vanredni događaj. Planom se poseban akcenat stavlja na adekvatan angažman već postojećih kapaciteta, te definisanje uočenih nedostataka, kako bi se u narednom periodu radilo na njihovom otklanjanju, što bi omogućilo uspostavljanje efikasnog sistema zaštite stanovništva i životne sredine u slučaju radijacijskog vanrednog događaja.

Usvajanjem plana o vanrednim radijacijskim događajima definisat će se nadležnosti i obaveze institucija u Bosni i Hercegovini, čime će postojati mogućnost za aktivno učešće u vježbama obavještanja, aktiviranja i traženja pomoći, koje redovno organizuje IAEA u saradnji sa državama članicama.

Radiološke i nuklearne prijetnje u BiH su svrstane u pet kategorija radijacijskih prijetnji prema „Pravilniku o kategorizaciji radijacijskih i prijetnji“ („Službeni glasnik BiH“, broj 102/11), odnosno:

- Radijacijska prijetnja kategorije I su radijacijski objekti unutar kojih nastanak radijacijskog vanrednog događaja može dovesti do teških determinističkih efekata za pojedince izvan mjesta događaja.
- Radijacijska prijetnja kategorije II su radijacijski objekti unutar kojih nastanak radijacijskog vanrednog događaja može rezultirati dozama koje zahtijevaju poduzimanje hitnih zaštitnih mjera izvan mjesta događaja.
- Radijacijska prijetnja kategorije III su radijacijski objekti unutar kojih nastanak radijacijskog vanrednog događaja može rezultirati dozama ili kontaminacijom koja zahtijeva poduzimanje hitnih zaštitnih mjera na mjestu događaja.
- Radijacijska prijetnja kategorije IV su objekti, djelatnosti sa izvorima jonizirajućeg zračenja i izvori jonizirajućeg zračenja koji mogu prouzrokovati nuklearni ili radiološki vanredni događaj i zahtijevaju poduzimanje hitnih zaštitnih mjera na nepredvidivom mjestu.
- Radijacijske prijetnje kategorije V su djelatnosti koje ne uključuju izvore jonizirajućeg zračenja, ali za čije proizvode postoji vjerovatnoća da su kontaminirani kao rezultat radijacijskih vanrednih događaja u objektima iz kategorije radijacijskih prijetnji I ili II.

Prema ovoj kategorizaciji, u Bosni i Hercegovini nema radijacijskih prijetnji iz kategorija I i II, odnosno u BiH nema postrojenja i ne obavljaju se djelatnosti kod kojih postoji vjerovatnoća za teške determinističke efekte kod pojedinaca izvan mjesta događaja, ili koji dovode do doze koje zahtijevaju poduzimanje hitnih zaštitnih mjera izvan mjesta događaja, prema propisima za zaštitu od jonizirajućeg zračenja i radijacijske sigurnosti. Zbog navedenog, državni akcioni plan za hitne slučajeve zaštite stanovništva od jonizirajućeg zračenja u slučaju vanrednog događaja, nuklearne nesreće ili nastanka nuklearne štete bazirat će se na radijacijskim prijetnjama kategorije III, kategorije IV i kategorije V.

Pri vršenju procjene radijacionih prijetnji na teritoriji BiH, uzeto je uobzir dosadašnje iskustvo (uključujući i nuklearne nesreće u Ukrajini - Černobil i Japanu - Fukušima). Takođe, u obzir je uzeto i iskustvo iz nekoliko slučajeva u Bosni i Hercegovini, pri čemu je otkriveno prisustvo radioaktivnog izvora u kamionima i vagonima natovarenim starim metalnim otpadom.

Važno je istaći da je u Bosni i Hercegovini instaliran automatski *on-line* sistem za monitoring radioaktivnosti u životnoj sredini i ranu najavu vanrednog radijacijskog događaja, mjerenjem ambijentalnog gama zračenja. Sistem je donirala Međunarodna agencija za atomsku energiju (IAEA) kroz projekt tehničke saradnje 2004. godine. Sastoji se od 11 mjernih stanica raspoređenih širom zemlje, kao i dva servera za čuvanje podataka, koji su međusobno povezani.

Agencija je pokrenula projekt nadogradnje ovog sistema, koji bi trebao biti završen do kraja 2013. godine.

Prema Draftu plana nosioci upravljanja komunikacijama i informacijama, kao i koordinacije mjera zaštite javnosti (stanovništva) u slučaju masovne kontaminacije usljed nuklearne nesreće u drugoj državi su Agencija i Ministarstvo sigurnosti Bosne i Hercegovine, civilne zaštite Federacije BiH i Republike Srpske, te Koordinacijsko tijelo Bosne i Hercegovine za zaštitu i spašavanje.

U slučaju da Bosna i Hercegovina primi obavijest o nuklearnoj nesreći (od IAEA, ili države koju je pogodila nuklearna nesreća), što je prema kategorizaciji radijacionih prijetnji za institucije u BiH kategorija V radijacione prijetnje, sistem komunikacije i odgovora prema Draftu plana odvijao bi se na sljedeći način:

1. Operativno – komunikacijski centar BiH – 112 (OKC-112) Ministarstva sigurnosti BiH, kao referentna kontakt tačka (eng: NWP), prima obavijest;
2. OKC-112 prosljeđuje obavijest Agenciji, nakon čega Agencija verifikuje obavijest i njen sadržaj u razmjeni informacija sa IAEA;
3. Nakon uzbunjivanja, odvijaju se paralelne aktivnosti od strane Ministarstva sigurnosti i Agencije:
 - predstavnik Agencije vrši očitavanje i interpretaciju rezultata sa ARGOS sistema i

sistema monitoringa gama stanica;

- OKC BiH-112 obavještava nadležne operativne centre Federacije BiH, Republike Srpske i Brčko distrikta BiH;
- OKC BiH-112 obavještava nadležne operativne centre ministarstava i organa uprave BiH, i sredstva javnog informiranja, radi aktiviranja strukture za odgovor na nastalu vanrednu situaciju i poduzimanja mjera zaštite stanovništva;
- po procjenjenoj situaciji se traži aktiviranje Koordinacionog tijela BiH za zaštitu i spašavanje;
- nakon obavještavanja nadležnih organa entiteta i distrikta i aktiviranja štabova civilne zaštite, shodno mjerenjima doza i brzini približavanja radioaktivnog oblaka, nadležne institucije zdravstva i poljoprivrede, kao i uprave i službe zaštite i spašavanja na teritoriji entiteta poduzimaju adekvatan odgovor zaštite stanovništva, domaćih životinja, hrane i vode;
- nadležni organi civilne zaštite entiteta i Brčko distrikta BiH razmatraju preporučene mjere, te u skladu sa vlastitom procjenom i planovima preduzimaju mjere upozoravanja i zaštite stanovništva, materijalnih i drugih dobara, domaćih životinja i životne sredine;
- o poduzetim mjerama povratno dostavljaju informaciju OKC BiH- 112, što se dostavlja i svim uključenim institucijama i organima uprave;
- Agencija, Ministarstvo sigurnosti i druge nadležne institucije entiteta i Brčko distrikta, oblikuju informacije za medije i ustupaju ih medijima, te daju upozorenja za javnost i redovne izvještaje IAEA, drugim državama i nadležnim institucijama entiteta i Brčko Distrikta;
- ukoliko se procjeni potreba, i ako je po procjeni prijetnje aktivirano Koordinaciono tijelo BiH poziva predstavnika Agencije radi podrške u donošenju prijedloga mjera i odluka Vijeća ministara Bosne i Hercegovine;
- u ime institucija i organa Bosne i Hercegovine, daju se izjave za javnost (u slučaju aktiviranja Koordinacionog tijela, izjave za javnost daju se u skladu sa Poslovníkom o radu Koordinacionog tijela BiH).

Kao nadležni organ za radijacione vanredne događaje, nastale na ili izvan teritorije Bosne i Hercegovine, a na osnovu Konvencije o ranom obavještavanju u slučaju nuklearne nesreće, Agencija:

- obavještava IAEA i druge države o radijacionom vanrednom događaju u BiH,
- razmjenjuje informacije o radijacionom vanrednom događaju u ili izvan teritorije Bosne i Hercegovine,
- odgovora na zahtjeve IAEA i drugih država za verifikaciju informacija o radijacionom vanrednom događaju u Bosni i Hercegovini.

Komunikaciju u vezi radijacionih vanrednih događaja sa Međunarodnom agencijom za atomsku energiju (IAEA), Agencija vrši direktno ili posredstvom Ministarstva vanjskih

poslova, odnosno Stalne misije Bosne i Hercegovine u okviru međunarodnih organizacija u Beču.


Slijed odgovora i mjera zaštite u slučaju nuklearne nesreće nakon obavjesti je sljedeći:

- razmjena informacija između nadležnih institucija u skladu sa Planom,
- aktiviranje Koordinacijskog tijela BiH za zaštitu i spašavanje,
- očitavanje i interpretacija rezultata mjerenja detektora ARGOS-a i gama stanica, i procjena rizika,
- obavijest o nuklearnoj nesreći operativnim centrima drugih institucija i organa BiH, entiteta i Brčko distrikta BiH i sredstvima javnog informiranja (uspostava punkta za medije),
- aktiviranje struktura odgovora entiteta i Brčko distrikta BiH, procjena rizika i poduzimanje hitnih interventnih i dugoročnih mjera radiološke zaštite stanovništva (organizacija sklanjanja, evakuacije i jod profilakse);
- Moguće je i formiranje informativnog centra na nivou države, entiteta i Brčko distrikta BiH, u cilju organizacije rada sa medijima i davanje izjava za javnost odgovornih predstavnika institucija nosilaca odgovora na svim nivoima organizacije mjera radiološke zaštite.

Za zadatke koordinacije odgovora na nuklearnu nesreću i pomoći Oružanih snaga BiH i međunarodne pomoći, Koordinacijsko tijelo BiH, kao i štabovi civilne zaštite entiteta i Brčko distrikta BiH mogu se pojačati dodatnim brojem stručnjaka za relevantna pitanja. U zavisnosti od mogućih posljedica događaja, nalaže se preduzimanje odgovarajućih mjera (primjer restrikcije u vezi upotrebe/uvoz/izvoz hrane i poljoprivrednih proizvoda, restrikcije gajenja određenih kultura koje se očekuje da budu pogođeni radioaktivnim oblakom, preporuke da se ne putuje u zemlje pogođene nesrećom; informiranje trgovačkih društava koja sarađuju sa pogođenim zemljama, preporuke za transport/tranzit preko pogođenih zemalja; informiranja zatečenih državljana Bosne i Hercegovine na teritoriji pogođenih zemalja, informiranje o školskim ekskurzijama u pogođenim zemljama, itd.).

U procjenjivanje situacije i njenog potencijalnog razvoja, te u davanje preporuka za odgovor na takvu situaciju, informiranje i smirivanje javnosti, mogu se uključiti predstavnici akademske zajednice, kao i nevladine organizacije.

Šematski prikaz upravljanja i odgovora na vanredni događaj prikazan je na sljedećoj slici.



Institucije koje sudjeluju u pripremi i odgovoru na radijacioni vanredni događaj u Bosni i Hercegovini, obezbjediće finansijska sredstva za obuku lica koja izvršavaju radne zadatke, dužnosti ili na bilo koji način učestvuju u pripremi i odgovoru na radijacioni vanredni događaj.

Spremnost sistema da odgovori na radijacioni vanredni događaj, testiraće se izvođenjem redovnih vježbi, u kojima učestvuju sve nadležne institucije u skladu sa Draftom plana.

Vremenski interval izvođenja vježbi treba da bude najmanje jednom godišnje za službe početnog i prvog odgovora, dok za kompletno aktiviranje sistema pripravnosti za odgovor na radijacione vanredne događaje vježbe se organizuju najmanje jednom u tri godine.

Organiziranje i realizacija vježbi u oblasti radijacione i nuklearne sigurnosti i zaštite u nadležnosti je Državne regulatorne agencije za radijacionu i nuklearnu sigurnost.

2. Državna regulatorna agencija za radijacijsku i nuklearnu sigurnost izdaje licence za obavljanje sljedećih djelatnosti:

- Posjedovanje i korištenje izvora jonizirajućeg zračenja,
- Prijevoz radioaktivnih izvora,
- Uvoz i izvoz radioaktivnih izvora,
- Tehničke servise,
- Nabavku i distribuciju izvora jonizirajućeg zračenja,
- Proizvodnja izvora zračenja.

U skladu sa Zakonomo radijacijskoj i nuklearnoj sigurnosti, svaku djelatnost sa izvorima jonizirajućeg zračenja mora odobriti Agencija, kao što i svaki izvor zračenja mora biti prijavljen Agenciji i zaveden u Registar izvora zračenja. Postupak notifikacije i autorizacije je regulisan „Pravilnikom o notifikaciji i autorizaciji djelatnosti sa izvorima jonizirajućeg zračenja“. Notificirani izvori i autorizovane djelatnosti sa izvorima jonizirajućeg zračenja zavode se u Državni registar.

Što se tiče skladištenja radioaktivnog otpada urađena je Strategija radioaktivnog otpada u Bosni i Hercegovini i poslana Vijeću ministara na usvajanje a njen sažetak je sljedeći:

U skladu sa Zajedničkom konvencijom o sigurnosti upravljanja istrošenim gorivom i sigurnosti upravljanja radioaktivnim otpadom, Bosna i Hercegovina, u cilju sprovođenja obaveza prema ovoj konvenciji, mora preduzeti zakonodavne, regulatorne i administrativne mjere da bi obezbjedila raspoloživost kvalifikovanog osoblja, odgovarajućih finansijskih sredstava i infrastrukture u vezi sa upravljanjem radioaktivnim otpadom.

U Bosni i Hercegovini će biti implementiran centralizovani pristup upravljanja radioaktivnim otpadom, što podrazumijeva skladištenje radioaktivnog otpada u jednom skladištu za teritorij BiH.

Agencija će formirati Komisije koje će vršiti sljedeće aktivnosti:

- Određivanje prijedloga lokacije centralnog skladišta radioaktivnog otpada uz konsultovanje važećih propisa i nadležnih organa na teritoriji BiH,
- Izrada nacрта propisa o upravljanju radioaktivnim otpadom,
- Predlaganje tipa i dizajna skladišta za radioaktivni otpad u BiH uključujući i bezbjednost objekta.

Vijeće ministara BiH će odrediti konačnu lokaciju centralnog skladišta radioaktivnog otpada.

Agencija će donijeti propise kojima će se ustanoviti regulatorni okvir za sigurno upravljanje radioaktivnim otpadom. Propisima će se:

- definisati primarna odgovornost pravnog lica generatora radioaktivnog otpada za prikupljanje i razvrstavanje radioaktivnog otpada nastalog prilikom obavljanja autorizovane djelatnosti,

- uspostaviti autorizacija djelatnosti upravljanja radioaktivnim otpadom, odnosno licencirati tehnički servis koji će obavljati poslove Operatora centralnog skladišta radioaktivnog otpada, kao i autorizacija objekta centralnog skladišta.

Vlasnik objekata centralnog skladišta će biti država, a posebnim aktom Vijeća ministara, na prijedlog Agencije, će biti dato na korištenje Operatoru centralnog skladišta, koji će obavljati poslove upravljanja radioaktivnim otpadom.

Ukoliko ne bude zainteresovanih pravnih lica za obavljanje poslova operatora Agencija će preuzeti obavezu vršenja poslova operatora centralnog skladišta.

Radioaktivni otpad nastao prethodnim djelatnostima iz vojne i civilne upotrebe, uključujući uskladištene izvore zračenja u privremenim skladištima na teritoriji BiH, te instalirani radioaktivni gromobrani, će biti prikupljeni u centralno skladište.

Finansijska sredstva za izgradnju i opremanje skladišta radioaktivnog otpada, kao i za prikupljanje, transport, kondicioniranje i skladištenje istorijskog radioaktivnog otpada, pored finansiranja iz Budžeta.

U ovom momentu je jedina institucija koja se bavi prikupljanjem i skladištenjem radioaktivnog otpada Zavod za javno zdravstvo Federacije Bosne i Hercegovine i on po privremenom Rješenju Agencije od 30.11.2010. godine na osnovu Rješenja Federalnog ministarstva zdravstva obavlja poslove tehničkog servisa za upravljanje radioaktivnim otpadom. Ovo Rješenje važi do donošenja podzakonskog akta Agencije koji će biti donesen i objavljen po usvajanju Strategije radioaktivnog otpada od strane Vijeća ministara. Zavod za javno zdravstvo Federacije Bosne i Hercegovine preuzima radioaktivni otpad sa prostora Federacije Bosne i Hercegovine i samo u vanrednim situacijama radioaktivni otpad sa prostora Republike Srpske. To je jedan od razloga za što hitnije rješavanje ovog problema koji egzistira.

Kao što je navedeno Agencija izdaje licencu za prijevoz radioaktivnih izvora kao i uvoz i izvoz radioaktivnih izvora. Za prijevoz radioaktivnih izvora su licencirane sljedeća pravna lica u Bosni i Hercegovini:

- BOSNAMONTAŽA a.d. Prijedor,
- ENERGOINVEST Institut za materijale i kvalitet Sarajevo,
- INEL d.o.o. Mostar,
- INTRADE PHARM d.o.o. Sarajevo,
- JUMP LOGISTICS d.o.o Sarajevo,
- METALNO dd Zenica,
- MONTINGENERGETIKA d.o.o. Živinice,
- REMONTMONTAŽA dd Tuzla,
- TIPO KOTLOGRADNJA doo Prijedor,
- Zavod za javno zdravstvo Federacije Bosne i Hercegovine.

Za uvoz i izvoz radioaktivnih izvora su licencirana sljedeća pravna lica u Bosni i Hercegovini:

- ANALITIKA d.o.o. Sarajevo,
- BOSNAMONTAŽA a.d. Prijedor,
- ENERGOINVEST Institut za materijale i kvalitet Sarajevo,

- FARMACIJA d.o.o Tuzla,
- GEOTECHNICS-COP d.o.o. Banja Luka,
- INEL d.o.o. Mostar,
- INTRADE PHARM d.o.o. Sarajevo,
- Jelšingrad Livar - Livnica Čelika ad Banja Luka,
- JUMP LOGISTICS d.o.o Sarajevo,
- Klinički centar Banja Luka,
- MEDICAL doo Mostar,
- METALNO dd Zenica,
- MONTINGENERGETIKA d.o.o. Živinice,
- Rafinerija nafte a.d. Brod,
- REMONTMONTAŽA dd Tuzla,
- TIPO KOTLOGRADNJA doo Prijedor,
- Zdravstvena ustanova - Bolnica "International Medical Centers" Banja Luka.

3. Što se tiče objekata u Bosni i Hercegovini gdje maksimalno dopuštena koncentracija (MDK) zračenja bitnije odstupa i šta se na tom području/lokalitetu poduzima na njenom smanjenju bitno je napomenuti da se radioaktivni izvori u Bosni i Hercegovini uglavnom koriste u medicini i industriji. Otvoreni kratkoživeći izotopi se koriste na šest lokacija u Bosni i Hercegovini na odjelima nuklearne medicine sljedećih institucija:

- Klinički centar Univerziteta u Sarajevu,
- Klinički centar Univerziteta u Banja Luci,
- Univerzitetsko klinički centar Tuzla,
- Sveučilišna klinička bolnica Mostar,
- Kantonalna bolnica Zenica,
- Opća bolnica "Prim. Dr. Abdulah Nakaš Sarajevo.

Ove institucije vode računa o nastalom radioaktivnom otpadu pri procedurama dijagnostike i terapije (procedure terapije jedino radi Klinički centar Univerziteta u Banja Luci) sa primjenom radioaktivnih kratkoživućih izotopa prema internacionalnim standardima i preporukama IAEA kako za kontaminirani materijal tako i za tečne izlučevine koje oslobađaju pacijenti sa primljenim radioaktivnim izotopima. U životnu sredinu se oslobađaju navedene tvari tek kada padnu ispod granice izuzeća i iz radioaktivnog otpada prelaze u komunalni otpad.

Što se tiče zatvorenih radioaktivnih izvora oni se koriste u medicini na odjelima radioterapije i to u sljedećim institucijama:

- Klinički centar Univerziteta u Sarajevu(2 telekobalt Co-60 mašine i brahiterapija Ir-192),

- Internacionalni centar Banja Luka (brahiterapija Ir-192),
- Univerzitetsko klinički centar Tuzla (brahiterapija Ir-192),
- Sveučilišna klinička bolnica Mostar (brahiterapija Ce-137).

i ne ugrožavaju životnu sredinu.

U industriji za nedestruktivnu kontrolu materijala se koriste zatvoreni radioaktivni izotopi najčešće Ir-192 i oni se dva puta godišnje izvoze van Bosne i Hercegovine potrošeni izvori i ponovo uvoze sa zamjenjenim novim radioaktivnim izotopom. Sljedeća pravna lica su licencirana da se bave navedenom djelatnošću:

- BOSNAMONTAŽA a.d. Prijedor,
- ENERGOINVEST Institut za materijale i kvalitet Sarajevo,
- GEOTECHNICS-COP d.o.o. Banja Luka,
- Jelšingrad Livar - Livnica Čelika ad Banja Luka,
- METALNO dd Zenica,
- MONTINGENERGETIKA d.o.o. Živinice,
- Rafinerija nafte a.d. Brod,
- REMONTMONTAŽA dd Tuzla,
- TIPO KOTLOGRADNJA doo Prijedor.


Važno je istaći da je u Bosni i Hercegovini instaliran automatski *on-line* sistem za monitoring radioaktivnosti u životnoj sredini i ranu najavu vanrednog radijacijskog događaja, mjerenjem ambijentalnog gama zračenja. Sistem je donirala Međunarodna agencija za atomsku energiju (IAEA) kroz projekt tehničke saradnje 2004. godine. Sastoji se od 11 mjernih stanica raspoređenih širom zemlje od kojih sa 5 gazduje Institut za zaštitu zdravlja RS-a, a sa 6 Zavod za javno zdravstvo FBiH, kao i dva servera za čuvanje podataka, koji su međusobno povezani.

Agencija je pokrenula projekt nadgradnje ovog sistema, koji bi trebao biti završen do kraja 2013. godine i koji bi omogućio Agenciji pristup svakoj od navedenih stanica u realnom vremenu u svakom momentu.

Sve navedene institucije su potencijalne tačke na kojim može doći do bitnijeg odstupanja ali one su licencirane i imaju procedure rada educiranog osoblja kao i program u slučaju vanredne situacije s obzirom na radiološke događaje, to jest povećano jonizirajuće zračenje u zraku, od prirodnog fona ili povećanu koncentraciju radioaktivnosti u životnoj sredini.

Broj: 04-49-2965/3
Sarajevo, 27.08.2013. godine

Bosna i Hercegovina
Parlamentarna skupština Bosne i Hercegovine
ZASTUPNIČKI DOM/ PREDSTAVNIČKI DOM
N/r predsjedavajućeg Zastupničkog doma
G-din dr. Denis Bećirović



PREDMET: Zijad Jagodić, zastupničko pitanje, postupanje po Preporukama iz Izvještaja Nezavisne komisije za praćenje boravka u Zavodima BiH za 2012. godinu, odgovor – dostavlja se –

V e z a: Vaš akt broj 01/a-50-1-15-49/13 od 11.07.2013. godine

U nastavku 49. sjednice Zastupničkog doma Parlamentarne skupštine Bosne i Hercegovine, održanom 08.07.2013. godine, zastupnik Zijad Jagodić Ministarstvu pravde BiH, Federalnom ministarstvu pravde i Ministarstvu pravde RS postavio je pitanje koje glasi:

„Šta se konkretno poduzima u pogledu Preporuka iz Izvještaja za 2012.g. koje je konstatovala i navela Nezavisna komisija za praćenje uslova boravka u Zavodima BiH odnosno otklanjanju uočenih nedostataka i nepravilnosti?“

U okviru zakonom propisanih nadležnosti Federalno ministarstvo daje sljedeći

ODGOVOR

Vezano za zaključak redni broj 2. (Poglavlje V – Preporuke i zaključci, strana 79. Izvještaja), finansijska sredstva za poboljšanje uvjeta boravka u Kazneno – popravnim zavodima u Federaciji BiH osiguravaju se u ograničenom obimu zbog aranžmana sa Međunarodnim monetarnim fondom. Korištenjem raspoloživih finansijskih sredstava izvršena je rekonstrukcija III. paviljona u KPZ ZT Zenica, kao i rekonstrukcija dijela V. paviljona koji je namijenjen isključivo za smještaj i aktivnosti maloljetničke zatvorske populacije. U KPZ PT Busovača izgrađen je objekat za smještaj 50 osuđenih osoba, a u KPZ PT Orašje objekat za smještaj 60 osuđenih osoba. Također je dovršena izgradnja Odgojno – popravnog doma u Orašju, ali isti nije stavljen u funkciju zbog nedostatka ljudskih resursa. U toku je postupak internog premještaja radi prerasporeda nedostajućeg službenog osoblja. Zbog ograničenih budžetskih sredstava raspisivanje konkursa za prijem na nova radna mjesta vrši se uz saglasnost Vlade Federacije BiH i Federalnog ministarstva finansija/finansija, zbog ranije donesene odluke o zabrani novog zapošljavanja.

Vezano za zaključak redni broj 3. (Poglavlje V – Preporuke i zaključci, strana 79. Izvještaja), Vlada Federacije uputila je u parlamentarnu proceduru Nacrt zakona o izvršenju krivičnih sankcija, pritvora i drugih mjera u Federaciji Bosne i Hercegovine koji je u potpunosti harmoniziran sa Zakonom Bosne i Hercegovine o izvršenju krivičnih sankcija, pritvora i drugih mjera – Prečišćeni tekst („Službeni glasnik BiH“, broj 12/10), odnosno postupljeno je u smislu člana 227. tog zakona. Iako je dobio podršku zastupnika u zastupničkom domu Parlamenta F BiH, Nacrt nije dobio potrebnu većinu glasova u Domu naroda Parlamenta F BiH (15. sjednica od 27.06.2013. godine).

S poštovanjem,

Prilog: kao u tekstu
Dostavljeno u 2 primjerka





BOSNA I HERCEGOVINA
VIJEĆE MINISTARA
Generalno tajništvo

Broj: 05-50-1-2182/13
Sarajevo, 8.10.2013. godine

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

PRIMLJENO: 09.10.2013			
ORGANIZACIONA JEDINICA	ADMINISTRACIONA JEDINICA	REGR. BR.	BRJ. BR.
01-50-1-15-49/13			

PARLAMENTARNA SKUPŠTINA BiH

- Zastupnički dom -

SARAJEVO

PREDMET: Odgovor na zastupničko pitanje – dostavlja se

Vijeće ministara Bosne i Hercegovine, na 65. sjednici održanoj 8.10.2013. godine, utvrdilo je Odgovor na zastupničko pitanje koje je postavio Zijad Jagodić, zastupnik u Zastupničkom domu Parlamentarne skupštine Bosne i Hercegovine.

U pravitku prosljeđujemo Odgovor radi njegovog dostavljanja zastupniku.

S poštovanjem,

GENERALNI TAJNIK
Zvonimir Kutleša





BOSNA I HERCEGOVINA
VIJEĆE MINISTARA

Broj: 05-50-1-2182/13
Sarajevo, 8.10.2013. godine

Zijad Jagodić, poslanik u Zastupničkom domu Parlamentarne skupštine Bosne i Hercegovine, na 49. sjednici Zastupničkog doma održanoj 08.07.2013. godine, postavio je sljedeće poslaničko pitanje:

„Šta se konkretno poduzima u pogledu Preporuka iz Izvještaja za 2012. godinu, koje je konstatovala i navela Nezavisna komisija za praćenje uslova boravka u zavodima Bosne i Hercegovine, odnosno u otklanjanju uočenih nedostataka i nepravilnosti“.

Na postavljeno poslaničko pitanje, Vijeće ministara Bosne i Hercegovine je na 65. sjednici održanoj 8.10.2013. godine, utvrdilo sljedeći:

ODGOVOR

Nezavisna komisija za praćenje uslova boravka u zavodima je tijelo koje je na osnovu člana 48. Zakona Bosne i Hercegovine o izvršenju krivičnih sankcija, pritvora i drugih mjera („Službeni glasnik BiH“, broj 12/10), imenovala Parlamentarna skupština Bosne i Hercegovine i čiji je prevashodni zadatak da prati uslove boravka u zavodima, postupanje i poštovanje ljudskih prava lica nad kojima se izvršavaju krivične sankcije i druge mjere koje je izrekao u krivičnom postupku Sud Bosne i Hercegovine, strani sudovi za djela predviđena Krivičnim zakonom Bosne i Hercegovine ili međunarodnim ugovorom čija je potpisnica Bosna i Hercegovina, ili drugi sud u skladu sa zakonom Bosne i Hercegovine. Imajući u vidu da na nivou Bosne i Hercegovine nije izgrađen Zavod za izvršenje krivičnih sankcija, pritvora i drugih mjera Bosne i Hercegovine, odnosno da je izgradnja državnog zatvora u fazi implementacije, to se Izvještaj Nezavisne komisije za 2012. godinu o otklanjanju uočenih nedostataka i nepravilnosti uglavnom odnosi na postojeće kazneno-popravne zavode u Bosni i Hercegovini, koji su u isključivo entitetskoj nadležnosti, Federacije Bosne i Hercegovine i Republike Srpske. Jedinica za implementaciju Projekta izgradnje Zavoda za izvršenje krivičnih sankcija, pritvora i drugih mjera Bosne i Hercegovine je svojim dopisom od 21.08.2013. godine, obavjestila da se aktivnosti koje se preduzimaju na izgradnji državnog zatvora odvijaju planiranom dinamikom i da je trenutno u toku završna faza evaluacije ponuda za odabir glavnog izvođača radova kao i nadzornog organa za vršenje nadzora nad izvođenjem radova. Nakon završetka evaluacije i odabira glavnog izvođača i nadzornog organa, pristupiće se izgradnji državnog zatvora koji je planiran za kraj 2013. godine, dok je planirani rok za završetak radova dvije godine, odnosno planirani završetak izgradnje državnog zatvora predviđen je za kraj 2015. godine.

Ministarstvo pravde Republike Srpske je svojim dopisom, broj: 08.030/052-4114/13 od 20.08.2013. godine, obavjestilo da je i prije dostavljanja predmetnog Izvještaja Nezavisne komisije, u sklopu svojih planiranih aktivnosti u prethodnom periodu preuzelo aktivnosti na poboljšanju uslova za boravak osuđenih i pritvorenih lica u kazneno-popravnim ustanovama Republike Srpske, što se naročito ogleda kroz ulaganje značajnih finansijskih sredstava u sanaciju prvog sprata objekta KPZ-a Trebinje, dogradnju sprata na objektu Prijemnog odjeljenja u KPZ-u Banjaluka u okviru kojeg se nalazi zavodska ambulanta sa stacionarom. Što se tiče preporuka iz Izvještaja vezanih za KPZ Bijeljina i primjedbi na stanje prostorija u kojima su smještana osuđena i pritvorena lica, smatraju neekonomičnim ulaganja u postojeće

objekte, s obzirom da je u toku izgradnja novog objekta ovog Zavoda. Preporuke iz Izvještaja vezane za kadrovsku popunjenost zdravstvenih službi u zavodima i kvalitet pružanja zdravstvene zaštite osuđenim i pritvorenim licima uz sugestije za prijem u radni odnos dodatnog broja zdravstvenih radnika je pitanje kojem Ministarstvo pravde Republike Srpske pridaje posebnu pažnju. Međutim, već duže vrijeme evidentan je problem nedovoljne zainteresovanosti ljekara za zasnivanje radnog odnosa u kazneno-popravnim ustanovama, što je naročito izraženo u zavodima u Foči, Doboju i Trebinju, te je i pored izmjene zakonske regulative i prilagodavanjima uslova konkursa uslovima na tržištu rada, na konkurse objavljene za prijem ljekara u stalni radni odnos nema prijavljenih zainteresovanih kandidata, zbog čega su ustanove prinuđene pitanje radnog angažovanja ljekara rješavati zaključivanjem ugovora o djelu, pri čemu se sa lokalnim zdravstvenim ustanovama sklapaju ugovori o saradnji i pružanju zdravstvenih usluga. Što se tiče prijema dodatnog broja medicinskih tehničara, KPZ Trebinje primio je u radni odnos na određeno vrijeme jednog izvršioca, dok u ostalim ustanovama u ovom trenutku u budžetu ne postoje predviđena sredstva za tu namjenu. Preporuke koje se odnose na postavljanje zaključanih kutija za anonimne pritužbe su usvojene i Ministarstvo pravde Republike Srpske će uložiti napore da iste budu postavljene u sve kazneno-popravne ustanove. Što se tiče primjedbi o nepostojanju odgovarajućeg provedbenog akta za korištenje video nadzora, navode da se nadzor putem video uređaja vrši isključivo iz razloga bezbjednosti, te da kako Zakonom o izvršenju krivičnih sankcija nije predviđeno donošenje ovakvog podzakonskog akta, to isti i nije moguće donijeti bez pravnog osnova. Takođe, navedeno je da su ostali nedostaci uočeni od strane Nezavisne komisije prilikom obilaska ustanova, a tiču se stanja higijene i urednosti prostorija, kontrole higijene u sobama, vremena čuvanja uzoraka hrane u frižiderima koja se priprema u ustanovi, otklonjeni odmah po ukazivanju na propuste.

Federalno ministarstvo pravde je svojim dopisom, broj: 04-49-2965/3 od 27.08.2013. godine, obavjestilo da su vezano za Zaključak pod rednim broj 2., Poglavlje V Preporuka, strana 79. predmetnog Izvještaja, finansijska sredstva za poboljšanje uslova boravka u kazneno-popravnim zavodima u Federaciji BiH obezbjeđena u ograničenom obimu zbog angažmana sa Međunarodnim monetarnim fondom. Korištenjem raspoloživih finansijskih sredstava izvršili su rekonstrukciju III paviljona u KPZ-u ZT Zenica, kao i rekonstrukcija dijela V Paviljona koji je namijenjen isključivo za smještaj i aktivnosti maloljetničke zatvorske populacije. U KPZ-u PT Busovača izgrađen je objekat za smještaj 50 osuđenih lica, a u KPZ-u PT Orašje objekat za smještaj 60 osuđenih lica. Dovršena je izgradnja Odgojno-popravnog doma u Orašju, ali isti nije stavljen u funkciju zbog nedostatka ljudskih resursa. U toku je postupak internog premještanja radi prerasporeda nedostajućeg službenog osoblja. Zbog ograničenih budžetskih sredstava raspisivanje konkursa za prijem na nova radna mjesta vrši se uz saglasnost Vlade Federacije BiH i Federalnog ministarstva finansija, zbog ranije donesene odluke o zabrani novog zapošljavanja. Takođe, vezano za Zaključak redni broj 3., Poglavlje V Preporuka, strana 79. Izvještaja, Vlada Federacije BiH uputila je u parlamentarnu proceduru Nacrt zakona o izvršenju krivičnih sankcija, pritvora i drugih mjera u Federaciji BiH koji je u potpunosti harmonizovan sa Zakonom Bosne i Hercegovine o izvršenju krivičnih sankcija, pritvora i drugih mjera – Prečišćeni tekst („Službeni glasnik BiH“, broj 12/10), odnosno postupljeno je u smislu člana 227. Navedenog Zakona. Međutim, iako je dobio podršku zastupnika u Zastupničkom domu Parlamenta Federacije BiH, Nacrt nije dobio potrebnu većinu glasova u Domu naroda Parlamenta Federacije BiH na 15. sjednici održanoj dana 27.06.2013. godine.